

ԳԱԳԻԿ ԴԱՆԻԵԼՅԱՆ

ԱԼ-ՄԱԿՐԻԶԻԻ ՊԱՏՄԱԳՐԱԿԱՆ ԺԱՌԱՆԳՈՒԹՅՈՒՆԸ

Ռակի ալ-Դին Ահմադ իբն Ալի ալ-Մակրիզին (մահ. 1442թ.) արաբական պատմագրության մամլուքյան շրջանի խոշորագույն ներկայացուցիչներից մեկն է: Շուրջ երկու դար է, ինչ արեւմտյան արաբագիտական դպրոցները ծանոթ են ալ-Մակրիզիին եւ նրա հեղինակած երկերի մեծ մասին: Այս ընթացքում նա «հասցրել» է ձեռք բերել «մամլուքյան պատմիչներից ամենատեւեկի»¹ եւ «խալամական քաղաքակրթության կարեւորագույն պատմագիրներից մեկի»² համբավ: Հեղինակի գիտական ժառանգությունը նույնալիսի բարձր գնահատականի է արժանացել նաեւ արաբական աշխարհի ուսումնասիրողների կողմից: Մուստաֆա Զիյադան, օրինակ, կարծիք է հայտնել, թե «տարակույս չկա, որ ալ-Մակրիզին առաջնային տեղ է զբաղեցնում հիջրայի 9-րդ դարի առաջին կեսի եգիպտացի պատմիչների շարքում, եւ սրա համար բավարար ապացույց է թեկուզ այն, որ այդ սերնդի մյուս բոլոր հայտնի եգիպտացի պատմիչները նրա աշակերտներն են եղել»³: Ռ. Ամիտայը սրա ամենահավանական պատճառ է նշում այն, որ հեղինակի կարեւորագույն երկը՝ *Kitāb al-sulūk*-ը, մամլուքների պատմությանը վերաբերող եվրոպական լեզվով թարգմանված առաջին սկզբնաղբյուրն է եղել, ինչը կանխորոշել է երկի հաջողությունը գիտական շրջանակներում⁴: Վերջին տարիներին, սակայն, նորանոր մամլուքյան

1 Hitti Ph., *History of the Arabs*, Macmillan and Co., London, 1946, p. 688: Հմմտ. Little D., *A Comparison of al-Maqrīzī and al-Aynī as historians of contemporary events* // *Mamluk Studies Review* (հետալյուն՝ MSR), vol. VII/2, 2003, p. 205.

2 Bauden F., *al-Maqrīzī* // *Encyclopedia of the Medieval Chronicle*, ed. by R. G. Dunphy, E. J. Brill, Leiden-Boston, 2010, pp. 1074.

3 Al-Maqrīzī, *Kitāb al-sulūk li ma'rifat duwal al-mulūk*, ǧ. 1.1, bitahqīq Muḥammad Muṣṭafā Ziyāda, Maṭba'at al-ta'lif wa al-tarǧama wa al-naṣr, al-Qāhira, ǧ. "Wāw": Հմմտ. Little D., *Historiography of the Ayyūbid and Mamlūk epochs* // *The Cambridge History of Egypt. Vol. 1: Islamic Egypt 640-1517*, ed. by C. F. Petry, Cambridge University Press, Cambridge, 1998, p. 436.

4 Նա նկատի ունի *Kitāb al-sulūk*-ի մամլուքների վաղ պատմությունն ընդգրկող հատվածի (1250-1310թթ.) Մ. Քատրմերի նախաձեռնած ֆրանսերեն թարգմանությունը: Տե՛ս *Histoire des Sultans Mamlouks, de l'Egypte écrite en Arabe par Taki-Eddin-Ahmed-Makrizi, traduite en Français par M. Quatremère*, 2 t., Paris, 1837, 1845: Հետագայում Բլոշեն նախաձեռնել է երկի՝ Այյուբյանների պատմությունն ընդգրկող հատվածի թարգմանությունը: Տե՛ս Blochet E., *Histoire d'Egypte de Makrizi (traduction française accompagnée de notes historiques et géographiques)* // *Revue de l'Orient Latin*, t. VI (1898), p. 435-489, t. VIII (1900-1901), p. 165-212, t. IX (1902), p. 6-163, 466-530, t. X (1903-1904), p. 248-371, t. XI (1905-1908),

սկզբնաղբյուրների հայտնաբերմանը զուգահեռ, մի շարք արդի հետազոտողների մոտ միտում է նկատվում վերանայելու այս հեղինակի պատմագրական ժառանգությանը նախորդ սերնդի ուսումնասիրողների տված գնահատականը: Հատկանշական է, որ ալ-Մակրիզին, ինչպես ներքերում ենք տեսնելու, նման հակասական վերաբերմունքի է արժանացել նաև իր ժամանակակիցների կողմից:

Ալ-Մակրիզին⁵ ծնվել է 1364թ. Կահիրեում՝ հորական կողմից ասորական ծագում ունեցող ընտանիքում: Նրա պապը հայտնի հանրալիական մագիսթրի կրոնագետ ու *muḥaddith* էր Բաալբաքում: Հայրը, ով նույնպես հանրալիականության հետեւորդ էր, վճռում է տեղափոխվել Կահիրե, որտեղ եւ ծնվում եւ իր կյանքի մեծ մասն է անցկացնում ապագա պատմիչը: Վաղ տարիքում ալ-Մակրիզիի վրա մեծ ազդեցություն է ունեցել մորական պապը՝ կահիրեցի հայտնի կրոնաիրավագետ (*fāqih*) իբն Սաիդ ալ-Հանաֆին (մահ. 1375թ.): Վերջինիս առաջնորդությամբ ալ-Մակրիզին ստացել է հանաֆիական նախնական կրթություն: Հոր մահից հետո, սակայն, հարել է շաֆիականությանը՝ աշակերտելով ավելի քան 600 շեյխերի՝ Կահիրեում, Դամասկոսում եւ Մեքքայում⁶: Ալ-Մակրիզի գիտնականի եւ պատմիչի ձեւավորման վրա նշանակալի ազդեցություն է ունեցել նաև հռչակավոր իբն Խալդունը (մահ. 1406թ.)⁷:

Մինչ պատմագրությանը նվիրվելը ալ-Մակրիզին վարել է ակտիվ հասարակական-քաղաքական գործունեություն: Ընկերական հարաբերություններ ունենալով մամլուքյան բարձր դասի ներկայացուցիչների հետ եւ վայելելով

p. 192-239: Այլուբյանների պատմության նաև անգլերեն թարգմանություն կա: Տե՛ս **Broadhurst R. J. C.**, *A history of the Ayyūbid sultans of Egypt*, Twayne, Boston, 1980.

5 Մատենագրի կյանքի ու գործունեության մասին մանրամասն տե՛ս մասնավորապես **Muḥammad Kamāl al-Dīn 'Izz al-Dīn 'Alī**, *Arba'at Mu'arriḥūn wa arba'at mu'allafāt min dawlat al-Mamālīk al-Ḡarākisa, al-Hay'a al-Miṣriyya al-'Āmma li al-Kitāb, al-Qāhira*, 1992, §. 157-176, ինչպես նաև նույնի՝ **al-Maqrīzī mu'arriḥan**, *'Ālam al-kutub, Bayrūt*, 1990, §. 23-47; **Muḥammad Muṣṭafā Ziyāda**, *al-Mu'arriḥūn fi Miṣr fi al-qarn al-ḥāmis ašara al-milādī (al-qarn al-tāsi' al-ḥiḡrī)*, *al-Qāhira*, 1949, §. 6-10, ինչպես նաև նույնի՝ *Tārīḥ hayāt al-Maqrīzī // Dirāsāt 'an al-Maqrīzī (mağmū'at abḥāt)*, *al-Hay'a al-Miṣriyya al-'āmma li al-ta'liḡ wa al-našr*; **Rabbat N.**, *Who was al-Maqrīzī? A Biographical Sketch // MSR*, vol. 7.2, 2003, pp. 1-19 եւ պարբերականի այս հատորն ընդհանրապես, որն ամբողջովին նվիրված է ալ-Մակրիզիին: Տե՛ս նաև **Bauden**, *al-Maqrīzī pp. 1074-1076*, ինչպես նաև նույնի՝ *al-Maqrīzī // Christian Muslim Relations: A bibliographical history*, vol. 5 (1350-1500), E. J. Brill, Leiden-Boston, 2013, pp. 380-383 եւ բոլորովին վերջերս ստպարված *Taqī al-Dīn Aḥmad ibn 'Alī al-Maqrīzī // Medieval Muslim Historians and the Franks in the Levant*, ed. by Alex Mallett, E. J. Brill, Leiden-Boston, 2014, pp. 161-167.

6 **Al-Saḥāwī**, *al-Ḍaw' al-lāmi'*, §. 2, *Bayrūt, Dār al-ḡil*, 1992, §. 23; **Muḥammad Kamāl al-Dīn 'Alī**, *al-Maqrīzī mu'arriḥan*, §. 34-42; **Rabbat N.**, *Who was al-Maqrīzī?*, pp. 10-11.

7 **Rosenthal F.**, *al-Maqrīzī // Encyclopaedia of Islam*, 2nd edition (հետալյունի EI2), vol. 3 (*H-IRAM*), E. J. Brill, Leiden, 1986, pp. 193-194; **Šākir Muṣṭafā**, *al-Tārīḥ al-'Arabī wa al-mu'arriḥūn: Dirāsa fi taṭawwur 'ilm al-tārīḥ wa ma'rifat riḡālihi fi al-Islām*, §. 3, *Dār al-'Ilm li al-malāyīn, Bayrūt*, 1990, §. 140: Հմն. **Irwin R.**, *al-Maqrīzī and ibn Khaldun, historians of the unseen // MSR*, vol. 7.2, pp. 217-230 եւ **Broadbridge A.**, *Royal authority, justice, and order in society: The influence of ibn Khaldūn on the writings of al-Maqrīzī and Ibn Taghribirdī // MSR*, vol. 7.2, pp. 231-245; **Rabbat N.**, *Was al-Maqrīzī's Khīṭaṭ a Khaldūnian history? // Der Islam*, vol. 89.2, 2012, pp. 120-123.

նրանց հովանավորությունը՝ նա բազմաթիվ հարգի պետական պաշտոններ է զբաղեցրել սուլթան ալ-Մալիք ալ-Զահիր Բարկուկի (կառ. 1382-1389թթ., 1390-1399թթ.) եւ նրա որդու՝ ալ-Նասիր Ֆարաջի (1399-1405թթ., 1405-1412թթ.) կառավարման տարիներին: Մանկավարժական եւ հոգեւոր-կրոնական գործունեությունից զատ (հաղիս է դասավանդել Կահիրեի *madrasa*-ներում, եղել է իմամ եւ խատիբ քաղաքի տարբեր մզկիթներում)՝ ալ-Մակրիզին գրագիր է եղել դիվանատանը (*diwān al-inṣāʾ*), իսկ 1399թ. եւ 1400թ. մի կարճ ժամանակ զբաղեցրել է Կահիրեի *muḥtasib*-ի («*չափուկչոփ վերատեսուչ*», «*շուկաների վերակաշու*») բարձր պաշտոնը, որը երկու անգամ էլ զիջել է իր կրտսեր ժամանակակից՝ մամլուքյան պատմագրության մյուս անվանի հեղինակությանը՝ ալ-Այնիին (մահ 1453թ.): Այս վերջինի հետ հարաբերությունները շուտով այնքան լարվեցին, որ վերաճեցին ակադեմիական մրցակցության⁸: 1407/1408թ. ալ-Մակրիզին սուլթան Ֆարաջին ուղեկցեց Դամասկոս, որտեղ վերջինս նրան մի շարք կարեւոր պաշտոնների նշանակեց: Սուլթանը նրան առաջարկեց նաեւ Դամասկոսի *qāḍī al-quḍāt* («*դատավորների դատավոր*») պաշտոնը, որը ալ-Մակրիզին մերժեց:

Դամասկոսյան ճանփորդությունը կարուկ շրջադարձ եղավ ալ-Մակրիզիի հետագա գործունեության համար: 1412թ. Դամասկոսում սպանվեց սուլթան Ֆարաջը: Կահիրե վերադառնալով՝ ալ-Մակրիզին վճռեց թողնել հասարակական-քաղաքական գործունեությունը՝ կյանքի մնացած մասը նվիրելով մատենագրությանը: Նրա այս որոշման իրական պատճառները հայտնի չեն: Մուստաֆա Զիյադայի կարծիքով՝ ալ-Մակրիզիի այդ որոշման հիմքում հավանաբար ընկած է եղել վարչակառավարչական եւ ստեղծագործական-մանկավարժական գործունեության անհամատեղելիությունը, քանզի առաջինը շատ ժամանակ էր խլում՝ զրկելով երկրորդով զբաղվելու հնարավորությունից⁹: Բայց ավելի տրամաբանական է թվում Բրոադբրիջի ենթադրությունը: Ըստ նրա՝ ալ-Մակրիզիի մեկուսանալու պատճառը եղել է այն, որ Ֆարաջի մահից հետո՝ հաջորդած գահակալներ ալ-Մուայյադ Շեյխի եւ ալ-Աշրաֆ Բարսբայի օրոք, նա անկարող է եղել պահպանել իր դիրքն ու հեղինակությունը մամլուքյան արքունական շրջանակներում՝ մեկընդմիջտ զրկվելով մեծատոհմիկ ազնվականների մեկենասությունից¹⁰: Այդ ժամանակներից ի վեր նա դառնում է Բուրջի մամլուքյան վերնախավի ներկայացուցիչների սուր քննադատներից մեկը՝ նրանց մեղադրելով հասարակական հետընթացի, երկրի վիճակի անկայունության, բարքերի անկման եւ եգիպտական հասարակության մեջ արմատացած այլ հոռի երեւոյթների համար: Մամլուքյան կառավարող շրջանակների նկատմամբ նրա տաժաժ անհանդուրժողական

⁸ *Muḥammad Kamāl al-Dīn 'Alī, al-Maqrīzī mu'arriḥan*, §. 42-44; **Broadbridge A.**, *Academic Rivalry and the Patronage System in Fifteenth-Century Egypt: al-'Aynī, al-Maqrīzī, and Ibn Hajar al-'Asqalanī* // *MSR*, vol. 3, 1999, pp. 85-107.

⁹ *Muṣṭafā Ziyāda, Tārīḥ hayāt al-Maqrīzī*, §. 16.

¹⁰ **Broadbridge**, *Academic rivalry*, p. 92: Հմմտ. **Rabbat**, *Who was al-Maqrīzī?*, p. 16.

վերաբերմունքի լավագույն ասպացույցը իր ժամանակակից մամուլքներին նրա տված բնորոշումն է՝ «*առավել վախճող, քան կապիկները, ավելի անկշտում, քան առնետները, ավելի վնասակար, քան գայլերը*»¹¹:

Կյանքի վերջին տարիներին մտերիմ ընկերների եւ աշակերտների հետ մի քանի անգամ այցելել է Մեքքա՝ այդ թվում հաջջի դառնալու նպատակով, որտեղ նույնպես մի կարճ ժամանակ *ḥadīṭ* է դասավանդել: Ալ-Մակրիզին վախճանվել է 1442թ. Կահիրեում երկարատեւ հիվանդությունից հետո եւ թաղման չափազանց համեստ արարողությամբ հողին հանձնվել այն նույն գերեզմանատանը, որտեղ նաեւ իբն Խալլունն է թաղված¹²:

Ալ-Մակրիզին հեղինակ է բազմաթիվ եւ տարբեր ժանրերի երկերի՝ ինչպես կարճառոտ մենագրությունների, այնպես էլ սովորաբար ժամանակագրությունների եւ կենսագրական բառարանների, թեեւ նրա թողած հարուստ մատենագրական ժառանգությունից ամեն ինչ չէ, որ պահպանվել է:

Օրինակ, կորսված է նրա *ʿIdq ḡawāhir al-asfāt fī mulūk Miṣr wa al-Fuṣṭāṭ* երկը, որ Եգիպտոսի պատմությունն է իսլամական նվաճումից մինչեւ Ֆաթիմյան դինաստիայի հիմնադրումը: Մինչդեռ պահպանված է նրա հեղինակած Ֆաթիմյան պատմությունը, որը կրում է *Ittiʿāz al-hunafāʾ bi aḥbār al-aʾimma al-Fātimiyyīn al-ḥulafāʾ* վերնագիրը: Հատկանշական է, որ սա Եգիպտոսի պատմության առանձնապես այս շրջանին նվիրված միակ ժամանակագրությունն է միջնադարյան մուսուլմանական պատմագրության մեջ¹³: Ֆաթիմյանների նկատմամբ ալ-Մակրիզիի հետաքրքրության շարժառիթներից մեկը եղել է նրա ծագումը. իր իսկ պնդմամբ՝ նա ֆաթիմյան խալիֆաների ժառանգ էր¹⁴: Երկում շատ արժեքավոր տեղեկություններ կան ֆաթիմյան ժամանակների անցքերի մասին¹⁵: Ժամանակագրության արժեքը էլ ավելի մեծ կլիներ, եթե հեղինակը հետեւողականորեն հիշատակեր բոլոր այն աղբյուրները, որոնցից օգտվել է իր երկը շարադրելիս¹⁶:

Ալ-Մակրիզիի պատմագրական ժառանգության թագը նրա՝ Այուբյանների եւ Մամլուքների պատմությանը նվիրված երկն է՝ *Kitāb al-sulūk li maʾrifat duwal al-mulūk*-ը, որի մասին արդեն ակնարկել ենք վերելում: Այն, ըստ այդմ, ընդգրկում է Ֆաթիմյանների կործանմանը հաջորդած մոտ երեքդարյա ժամանակաշրջանի՝ 1171-1441թթ. պատմությունը¹⁷: *Kitāb al-sulūk*-ը մեծ ճանա-

11 Տե՛ս *al-Maqrīzī, al-Mawāʿiẓ wa al-ʾiṭbār bi zikr al-ḥiṭaṭ wa al-aṭār*, ǧ. 2, Bulāq, al-Qāhira, 1854, s. 214: Նույնի մասին տե՛ս նաեւ **Rabbat N.**, *Representing the Mamluks in Mamluk Historical Writing // The Historiography of Islamic Egypt, c. 950-1800*, ed. by H. Kennedy, E. J. Brill, Leiden, 2000, p. 68, n. 23.

12 Տե՛ս նույնի՝ *Who was al-Maqrīzī?*, p. 18-19 եւ **Bauden**, *Taqī al-Dīn*, p. 167.

13 **Walker P.**, *Al-Maqrīzī and the Fatimids* // *MSR*, vol. 7.2, p. 3.

14 **Rabbat**, *Who was al-Maqrīzī?*, pp. 6-10.

15 **Lev Y.**, *Saladin in Egypt*, E. J. Brill, Leiden, 1999, pp. 43-44.

16 **Bauden**, *al-Maqrīzī*, p. 1074.

17 Ալ-Մակրիզիի այս երկը արժեքավոր սկզբնաղբյուր է նաեւ Կիլիկիայի հայոց պատմության համար, եւ մենք մեր հետագա ուսումնասիրություններում փորձելու ենք բացահայտել հայոց պատմության համար նրա ներկայացրած կարեւորության ասպեկտները:

չում է ունեցել անգամ հեղինակի կենդանության օրոք՝ նույնիսկ Եգիպտոսի սահմաններից անդին: Հայտնի է, որ 1428թ. Լենկ Թեմուրի որդու՝ Շահրուհի կողմից Կահիրե ուղարկված դեսպանները խնդրել են իրենց տրամադրել ալ-Մակրիզիի երկի մի օրինակ¹⁸: Երկար ժամանակ այս երկը բացառիկ եւ անփոխարինելի աղբյուր է համարվել մամլուքյան պատմության ուսումնասիրության համար: Վերջին ժամանակներում, սակայն, այդ շրջանի պատմության նորանոր աղբյուրների հրատարակությունը երեսան է հանել ալ-Մակրիզիի պատմագրական «մեթոդի» կարեւորագույն թերությունը՝ իր օգտագործած աղբյուրները չհիշատակելու նրա սովորությունը: Օրինակ, ինչպես Լիթթլը, Ամիտայը եւ վերջերս էլ Մասսուդն են ցույց տվել, Բահրի մամլուքների եւ Բուրջի մամլուքների վաղ շրջանի պատմությունը շարադրելիս նրա համար առանցքային աղբյուր ու ուղեցույց է ծառայել իբն ալ-Ֆուրաթի *Tārīḥ al-duwal wa al-mulūk*-ը¹⁹: Բայց նա խուսափել է իր իրական աղբյուրը բացահայտելուց: Ըստ Բոդենի՝ նրա օգտագործած «տեխնիկայի» բնութագրիչ հատկանիշը «*տարբեր աղբյուրներից քաղված հաղորդումները միմյանց հետ զուգորդելն ու սեփական բառերով վերաշարադրելն է*»²⁰: Վկայությունները ամփոփելու, համառոտելու եւ, ինչպես Լիթթլն է մի առիթով ձեւակերպում, «իր իսկ լեզվով վերարտադրելու»²¹ նրա այս սովորությունը երբեմն անճշտությունների եւ հաղորդումների իրական բովանդակության աղավաղման պատճառ է դարձել²²: Նույն ուսումնասիրողը մեկ այլ տեղում եզրահանգում է, որ քանի դեռ *Kitāb al-sulūk*-ը համեմատվում է ժամանակակից այլ պատմիչների տարեգրությունների հետ, ալ-Մակրիզին կշարունակի «սոսկ բանաքաղ եւ մյուսների գործերը պահպանած հեղինակ» համարվել²³: Համեմայն դեպս, անկախ ժամանակակից հետազոտողների քննադատական հայացքներից՝ նույնիսկ այս շրջանի անցքերի առնչությամբ ալ-Մակրիզիի պատմության մեջ

18 Broadbridge, *Academic rivalry*, p. 103; Bauden, *al-Maqrīzī (Christian-Muslim Relations)*, p. 383.

19 Stū Little D., *An introduction to Mamlūk historiography: an analysis of Arabic annalistic and biographical sources for the reign of al-Malik an-Nāṣir Muḥammad ibn Qalā'ūn* (Freiburger Islamstudien, Bd. II.), Franz Steiner Verlag, Wiesbaden, 1970, pp. 77-78; Amitai-Preiss R., *al-Maqrīzī as a Historian of the Early Mamluk Sultanate (or: Is al-Maqrīzī an Unrecognized Historiographical Villain?)* // MSR, vol. 7.2, pp. 99-118; Massoud S. G., *The chronicles and annalistic sources of the early Mamluk Circassian Period*, E. J. Brill, Leiden-Boston, 2007, pp. 49-53.

20 Bauden, *al-Maqrīzī*, p. 1074.

21 Little D., *Analysis of the Relationship between Four Mamluk Chronicles for 737-45* // *Journal of Semitic Studies*, vol. 19, 1974, p. 260.

22 Amitai-Preiss R., *Mongols and Mamluks: The Mamluk-Ilkhānīd War, 1260-1281*, Cambridge University Press, Cambridge, 1995, p. 5 (Introduction): Կոնկրետ օրինակների համար տե՛ս Ayalon D., *The Great Yāsa of Chingiz Khān: A Reexamination (Part C2). Al-Maqrīzī's Passage on the Yāsa under the Mamluks* // *Studia Islamica*, No. 38 (1973), pp. 121-123; Amitai-Preiss, *Mongols and Mamluks*, p. 30, note 32: Նույն միտքն է արտահայտել նաև Իրվինը: Stū Irwin R., *Mamluk history and historians* // *The Cambridge history of Arabic literature: Arabic literature in the post-classical period*, ed. by R. Allen and D. S. Richards, Cambridge University Press, 2006, p. 167.

23 Stū Little, *Historiography*, p. 437, ինչպես նաև նույնի՝ *A Comparison*, p. 207.

քիչ չեն «այնպիսի հաղորդումները, որ չեն հանդիպում ոչ մի այլ աղբյուրում, եւ որոնց ծագումը շարունակում է առեղծված մնալ»²⁴:

Իր ապրած ժամանակի պատմությունը շարադրելիս ալ-Մակրիզին հանդես է գալիս գերազանցապես որպես ինքնուրույն ու անկախ պատմիչ՝ հիմնվելով իր իսկ ժողոված տեղեկությունների եւ պատմագրական նյութի վրա²⁵: Ահավասիկ, ալ-Մակրիզին առաջին հերթին եգիպտագիր պատմիչ է եւ իր վերոհիշյալ «*նոսգրությունը*» (*‘Idq ḡawāhir al-asfāt, Itti’āz al-hunafā’, Kitāb al-sulūk*) փորձել է գրի առնել մուսուլմանական Եգիպտոսի ամբողջական պատմությունը՝ սկսած իսլամական նվաճումից ընդհուպ մինչեւ իր ապրած ժամանակները:

Հեղինակի մյուս գլուխգործոցը *al-Mawā’iz wa al-i’tibār bi zikr al-ḥiṭaṭ wa al-aṭār* աշխատությունն է²⁶, որը նվիրված է ընդհանրապես Եգիպտոսի եւ մասնավորապես Կահիրեի պատմատեղագրական նկարագրությանը: Երկում վառ ներկայացված են տասնհինգերորդ դարի Կահիրեի ճարտարապետական դիմագիծը (թաղամասերի, հուշարձանների, սպարանքների, շուկաների, բաղնիքների, ջրանցքների, մզկիթների, եկեղեցիների, սինագոգների, հիվանդանոցների, դպրոցների եւ այլ շինությունների ու հաստատությունների նկարագրությամբ) եւ հասարակական կյանքի խճանկարը՝ իր քաղաքական եւ քաղաքացիական, սոցիալական եւ տնտեսական, կրոնական եւ մշակութային բնութագրական գծերով²⁷: Երկին անգնահատելի արժեք է տալիս նաեւ այն պարագան, որ այն հիմնված է բազմաթիվ աղբյուրների վրա, որոնցից շատերը մեզ չեն հասել:

Kitāb al-sulūk-ի պես *al-Ḥiṭaṭ*-ը նույնպես բուռն քննարկումների առարկա է արդի հետազոտողների շրջանում: Բայց եթե առաջինի դեպքում քննադատների տված գնահատականները չեն անցնում հեղինակի «մասնագիտական անագնավության կամ անբարեխղճության» սահմանը, ապա այս երկրորդի դեպքում ալ-Մակրիզին հասցեագրված մեղադրանքները շատ ավելի լուրջ են, քանի որ խոսքն այստեղ գրագողության մասին է: Այդ մասին վկայող հիմնական աղբյուրը ալ-Մակրիզիի կրտսեր ժամանակակից, մեզ արդեն քաջա-

24 Northrup L. S., *From slave to sultan: The career of al-Manṣūr Qalāwūn and the consolidation of Mamluk rule in Egypt and Syria (678-689 A. H./1279-1290 A. D.)*, Franz Steiner Verlag, Stuttgart, 1998, p. 52.

25 Bauden, *al-Maqrīzī*, p. 1074: *Kitāb al-sulūk*-ի եւ ժամանակակից մյուս պատմագիրների երկերի համեմատական քննության մի քանի փորձեր գիտական գրականության մեջ արդեն իսկ ձեռնարկվել են: Տե՛ս Perho L., *al-Maqrīzī and ibn Taghrī Birdī as historians of contemporary events // The Historiography of Islamic Egypt (c. 950-1800)*, pp. 107-120; Little, A *Comparison*, pp. 205-215.

26 Տե՛ս *al-Maqrīzī*, *al-Mawā’iz wa al-i’tibār bi zikr al-ḥiṭaṭ wa al-aṭār*, 2 թ., *Bulāq, al-Qāhira*, 1853-1854, ինչպես նաեւ Այնան Ֆուադ Մայիթիի նոր հրատարակությունը տե՛ս նույնի՝ *bitahqīq Aymān Fu’ād Sayyid*, 5 թ., *Mu’assasat al-Furqān li al-turāt al-‘arabī* (Al-Furqān Islamic Heritage Foundation, London, 2002-2004).

27 Տե՛ս *Musawwadat Kitāb al-Mawā’iz wa al-i’tibār bi zikr al-ḥiṭaṭ wa al-aṭār*, *bitahqīq Aymān Fu’ād Sayyid*, *Landan, Mu’assat al-Furqān li al-Turāt al-Islāmiyy*, 1995, թ. 2 (*Muqaddama*); *Rabbat N.*, *al-Makrizi and his pioneering book al-Khitat // The Journal Hadeeth ad-Dar of Dar al-Athar al-Islamiyyah (Ḥadīṭ al-Dār. Dār al-Aṭār al-Islāmiyya)*, vol. 23, 2007, p. 51.

ծանոթ ալ-Սախավին է, ում հավաստմամբ՝ ինքն այդ մասին լսել է իր ուսուցչից՝ իբն Հաջար ալ-Ասկալանիից (մահ. 1449թ.): Ալ-Սախավին իր երկերում քանիցս ալ-Մակրիզիին մեղադրում է կահիրեցի գիտնական ալ-Աուհադիի (մահ. 1408թ.) մահից հետո վերջինիս անավարտ աշխատության սեւագիրը գողանալու, որոշակի մանր լրացումներ կատարելու եւ իր գրչին վերագրելու մեջ²⁸: Հատկանշական է, որ իր կենսագրական բառարաններից մեկում՝ *Durar al-ʿuqūd*-ում ալ-Մակրիզին կենսագրական հոդված ունի նվիրված ալ-Աուհադիին, որում նա բացեիքաց գրում է, որ ինքն իսկապես օգտվել է ալ-Աուհադիի՝ Կահիրեի տեղագրությանը նվիրված երկի սեւագրերից: Այս հանգամանքը կարծես թե զգալիորեն նվազեցնում է ալ-Սախավիի մեղադրանքի կշիռը՝ թույլ տալով արդարացնել մատենագիրին²⁹: Սփուլիչ է նաեւ այն հանգամանքը, որ *al-Hiṭaṭ*-ում կան նկարագրություններ բազմաթիվ իրադարձությունների եւ շինությունների, որոնք տեղի են ունեցել կամ կառուցվել են ալ-Աուհադիի մահից հետո: Հետեւապես, այս երկը պարզ «արտագրություն» համարվել չի կարող, եւ եթե նույնիսկ ալ-Մակրիզին իր ընկերոջ երկը դրել է իր իսկ աշխատության հիմքում, այնուամենայնիվ, *al-Hiṭaṭ*-ի մի զգալի մասը բացառապես նրա գրչին է պատկանում³⁰:

Այս երկի «հեղինակային իրավունքների» հարցին վերջերս վերստին անդրադարձել է Ֆ. Բոդենը: Նա *al-Hiṭaṭ*-ի՝ ալ-Մակրիզիի ինքնագիր մի ձեռագրում գտել է այլ գրչի ձեռքին պատկանող էջեր, որոնք ըստ նրա՝ ալ-Աուհադիի աշխատության սեւագրերից պահպանված մի հատված են: Համեմատելով երկի այս եւ մյուս պահպանված խմբագրությունները՝ նա ի վերջո եզրակացրել է, որ գրագողության մասին ալ-Սախավիի պնդումն իսկապես ճշմարտության բաժին ունի³¹:

Ալ-Մակրիզին հեղինակ է նաեւ երկու կենսագրական բառարանների: Դրանցից առաջինը՝ *al-Tārīḥ al-muqaffā al-kabīr* վերնագրով, պարունակում է Եգիպտոսի մուսուլմանական նվաճումից ի վեր մինչեւ իր ծնունդն ապրած «երեւելիների» կենսագրություններ: Հայտնի է, որ ինքը՝ ալ-Մակրիզին, մտադիր է եղել բառարանի հատորների թիվը հասցնել 80-ի, բայց ցավոք մինչեւ իր մահը գործն ավարտին հասցնել չի կարողացել: Երկի պահպանված մասերը հրատարակել է Մուհամմադ ալ-Յալավին³²: Մատենագրի հեղինակած մյուս կենսագրական բառարանը *Durar al-ʿuqūd al-farīda fī tarāḡim al-aʿyān al-muḥfida*-ն

28 Saʿīd ʿAshūr, ʿAdwā ʿadāda ʿalā al-muʿarriḥ Aḥmad ibn ʿAlī al-Maqrīzī wa-kitābātihī // ʿĀlam al-Fikr, ǧ. 14, 1983, ǧ. 169-170.

29 Անդ., ǧ. 170-175; Крачковский И. Ю., Избранные сочинения, т. 4 (Арабская географическая литература), Издательство Академии Наук СССР, Москва-Ленинград, 1957, с. 477.

30 Տե՛ս նույն տեղում, ինչպես նաեւ *Musawwadat Kitāb al-Mawāʿiz*, ǧ. 80* (*Muqaddama*).

31 Bauden F., *Maqriziana IX: Should al-Maqrīzī be thrown out with the bath water? The question of his plagiarism of al-Awḥadī's Khīṭaṭ and the documentary evidence* // MSR, vol. XIV, 2010, pp. 159-232: Հմմտ. Rabbat, Was al-Maqrīzī's Khīṭaṭ a Khaldūnian history?, p. 132, n. 56.

32 Al-Maqrīzī, *Kitāb al-Muqaffā al-Kabīr, bitaḥqīq Muḥammad al-Yaʿlāwī*, 8 ǧ., *Dār al-Ḡarb al-Islāmī*, Bayrūt, 1991.

է³³: Նրանում հեղինակը ներառել է իր կյանքի օրոք մահացած հայտնի ժամանակակիցների ավելի քան 500 կենսագրական հոդվածներ³⁴:

Ալ-Մակրիզիի՝ մեզ հասած երկերից քիչ հայտնի է, բայց բացառիկ կարեւորություն ունի նրա *al-Habbar 'an al-bašar fi ansāb al-'Arab wa nisb sayyid al-bašar* վերնագրով համընդհանուր պատմությունը՝ սկսած աշխարհի եւ մարդու արարումից³⁵: Երկը, ինչպես հեղինակն է պարզաբանում, գրվել է որպես առաջաբան (*madhal*) մեկ այլ աշխատության համար՝ *Imtā' al-asmā'* վերնագրով³⁶, որը նվիրված է Մուհամմադ մարգարեի վարքի (*sīra*) տարբեր սասկեկտների քննությանը: Երկի նպատակը, ինչպես հեղինակն է պարզաբանում, արաբներին աշխարհի մյուս ժողովուրդներից առանձնացնելն է (*ġinsuhā min sā'ir al-ağnās*), նրա արժանիքները ցուցանելը³⁷: *Al-Habbar 'an al-bašar*-ի առաջին հատորներն, ըստ այդմ, նվիրված են արաբների նախախաղամական պատմությանը՝ ծագումնաբանությանը, ավանդույթներին, հավատալիքներին: Այնուհետեւ նա անցում է կատարում այլ ժողովուրդներին՝ պարսիկների, հրեաների, հույների, լատինների եւ գոթերի (*al-qūṭ*) համառոտ պատմությանը³⁸: «Մարդկության պատմության» վերջին մասը հակաքրիստոնեական բանավիճական գրականության իսկական նմուշ է: Նրանում խոսվում է մարգարեների մասին ընդահանրապես եւ Ղուրանում ու Աստվածաշնչում հանդիպող մարգարեների մասին մասնավորապես, Քրիստոսի եւ քրիստոնեության ծագման, նրա տարածման, հիմնական դոգմաների մասին՝ համեմելով սուր քննադատությամբ եւ համեմատական աղերսեր տանելով իսլամի հետ՝ որպես միակ ճշմարիտ հավատի: Ինչպես իր մյուս վերոնկարագրյալ երկերում, *al-Habbar 'an al-bašar*-ում նույնպես ալ-Մակրիզին շատ հաճախ զլանում է իր աղբյուրները նշել³⁹:

Երկար ժամանակ երկը անտիպ էր՝ գրված գիտական լայն շրջանակների ուշադրությունից: Այն միայն վերջերս է տպագրվել՝ արդի հետազոտողներին հնարավորություն տալով բացահայտելու ցայժմ հիմնականում որպես եգիպտագիր պատմիչ հայտնի ալ-Մակրիզիի մատենագրական ժառանգության տակավին անհայտ էջերը⁴⁰:

33 Տե՛ս *al-Maqrīzī, Durar al-'uqūd al-farīda fī tarāġim al-a'yān al-mufīda*, Զ. 1-2, bitahqīq Adnān Darwīš wa Muḥammad al-Miṣrī, Dimašq, 1995 եւ մեկ այլ հրատարակություն եւս՝ նույնի՝ Զ. 1-4, bitahqīq Maḥmūd al-Ġalīlī, Dār al-Ġarb al-Islāmī, Bayrūt, 2002.

34 Տե՛ս *Muḥammad Kamāl al-Dīn 'Izz al-Dīn*, *al-Maqrīzī mu'arriḥan*, Զ. 93.

35 Տե՛ս *al-Maqrīzī, al-Habbar 'an al-bašar fī ansāb al-'Arab wa nisb sayyid al-bašar*, bitahqīq Ḥālid, Aḥmad al-Suwaydī wa 'Arif 'Abd al-Ġanī, 8 Զ., Dār al-'arabiyya li al-mawsū'āt, Bayrūt, 2013, ինչպես նաեւ **Bauden**, *al-Maqrīzī (Christian-Muslim Relations)*, p. 392 եւ նույնի՝ *Taqī al-Dīn*, p. 196-199.

36 Տե՛ս *al-Maqrīzī, Imtā' al-asmā' bi mā li al-nabī min aḥwāl wa al-amwāl wa al-hafada wa al-matā'*, 15 Զ., bitahqīq Muḥammad 'Abd al-Ḥamid al-Namīsī, Dār al-Kutub al-'Ilmiyya, Bayrūt, 1999.

37 Տե՛ս *al-Maqrīzī, al-Habbar*, Զ. 1, Զ. 53, ինչպես նաեւ *Muḥammad Kamāl al-Dīn 'Izz al-Dīn*, *al-Maqrīzī mu'arriḥan*, Զ. 62-63.

38 **Bauden**, *al-Maqrīzī (Christian-Muslim relations)*, pp. 392-393.

39 Անդ, pp. 393-394.

40 Ալ-Մակրիզիի այս երկի վերոհիշյալ հրատարակությունը սիրալիր կերպով մեզ է տրամադրել Ֆ. Բոդենը, ինչի համար մեր խորը երախտագիտությունն ենք հայտնում նրան:

Բացի այս հիմնարար աշխատություններից՝ ալ-Մակրիզին հեղինակ է բազմաթիվ կարճառոտ ակնարկների (*rasā'il*)՝ ամենատարբեր թեմաներով, որոնց մի մասն առհասարակ կապ չունի պատմագրության հետ, բայց ուրվագծում է մատենագրի գիտական մյուս հետաքրքրությունների եւ հանրագիտարանային գիտելիքների շրջանակը (օրինակ մեղուների վերաբերյալ⁴¹, հանքանյութերի եւ մետաղների մասին⁴², իսլամական դրամների մասին⁴³, հաջք կատարած խալիֆաների եւ տիրակալների մասին⁴⁴, Աստծո «միակության» գաղափարի շուրջ⁴⁵, Օմայյան եւ Հաշիմյան ցեղերի հակամարտ հարաբերությունների եւ մրցակցության վերաբերյալ⁴⁶, Եգիպտոսում հաստատված արաբական ցեղերի մասին⁴⁷, Եթովպիայի մուսուլման տիրակալների մասին⁴⁸ եւ այլն): Ալ-Մակրիզիի մանր երկերից առանձին անդրադարձի է արժանի *Iğāsāt al-umma bi kaşfal-ğumma* ակնարկը⁴⁹: Նրանում հեղինակը քննության է առել 14-դարի վերջին եւ 15-րդ դարի սկզբներին Եգիպտոսին պատուհասած սոցիալ-տնտեսական ճգնաժամի աղբյուրները՝ ինչպես բնական երեւոյթները, օրինակ՝ երաշտը, հետո նաեւ մամլուքյան սուլթանների սխալ ներքին քաղաքականությունը՝ մասնավորապես դրամական անհեռատես «բարեփոխումները», աշխարհիկ եւ հոգեւոր իշխանության բոլոր օղակներ թափանցած կաշառակերությունը, ժողովրդի վրա դրված ծանր հարկային բեռը, որ երկրում սղաճի, գների բարձրացման, սովի եւ համաճարակների պատճառ էին դարձել, որոնցից մեկի գոհն էլ իր դուստրն էր եղել⁵⁰:

Ալ-Մակրիզիի մատենագրական ժառանգությանը նվիրված այս ակնարկը հարկ ենք համարում եզրափակել մի փոքրիկ դիտարկմամբ: Որքան էլ

41 *Nahī 'ibar al-nahī // Rasā'il al-Maqrīzī, bitahqīq Ramaḍān al-Badrī wa Aḥmad Muṣṭafā Qāsim, al-Qāhira, 1998, ք. 277-342.*

42 *Al-Maqāsid al-saniyya fi ma'rifat al-aḡsām al-ma'daniyya // Rasā'il al-Maqrīzī, ք. 213-227.*

43 *Al-Nuquḍ al-Islāmiyya al-qadima (Šuzūr al-'uquḍ fi zikr al-nuquḍ) // Rasā'il al-Maqrīzī, ք. 155-175.*

44 **Al-Maqrīzī**, *al-Zahab al-masbūk fi zikr man haḡḡa min al-ḡulafā' wa al-mulūk, bitahqīq Ḡamāl al-Dīn Šayyāl, Maktabat al-ṭaqāfa al-dīniyya, 2000.*

45 *Tagrīd al-tawḥīd al-mufīd // Rasā'il al-Maqrīzī, ք. 83-122.*

46 **Al-Maqrīzī**, *Kitāb al-nizā' wa al-taḡāsum fīmā bayna Umayya wa banī Hāšim, bitahqīq Husayn Mu'nīs, Dār al-Ma'ārif, al-Qāhira, 1988, ինչպես նաեւ նույնի՝ Rasā'il al-Maqrīzī, ք. 11-82: Անգլերեն թարգմանությունը տե՛ս **Bosworth C. Ed.**, *al-Maqrīzī's book of contention and strife concerning the relations between the Banū Umayya and the Banū Hāšim // Journal of Semitic Studies, Monograph No. 3, Manchester University Press, 1980.**

47 **Al-Maqrīzī**, *al-Bayān wa al-i'rāb 'an man fi arḍ Mişr min qaba'il al-A'rab, murāḡa'at Ibrāhīm Ramzī, al-Qāhira, 1916, ինչպես նաեւ նույնի՝ bitahqīq 'Abd al-Maḡīd 'Ābidīn, 'Ālam al-Kutub, al-Qāhira, 1961.*

48 *Al-Maqrīzī, al-Ilmām bi aḡbār man bi arḍ al-Ḥabaša min mulūk al-Islām // Rasā'il al-Maqrīzī, ք. 229-244: Տե՛ս նաեւ **Muḥammad Kamāl al-Dīn 'Izz al-Dīn**, *al-Maqrīzī mu'arriḡan, ք. 81-90; Bauden, al-Maqrīzī (Christian-Muslim Relations), pp. 390-391.**

49 **Al-Maqrīzī**, *Iḡāsāt al-umma bi kaşfal-ğumma, bitahqīq Karam Ḥilmī Faraḡāt, 'Ayn li al-Dirāsāt wa al-buḡūṭ al-insāniyya wa al-iḡtima'iyya, al-Qāhira, 2007, ինչպես նաեւ **Allouche A.**, *Mamluk Economics: A study and translation of al-Maqrīzī's Iḡhāthah, University of Utah Press, Salt Lake City, 1994: Ալ-Մակրիզիի այս եւ մյուս երկերի դրամագիտական նշանակության մասին տե՛ս նաեւ **Schultz W. C.**, "It has no root among any community that believes in revealed religion, nor legal foundation for its implementation": Placing al-Maqrīzī's Comments on Money in a Wider Context // *MSR*, vol. VII, 2003, pp. 169-181.**

50 **Al-Maqrīzī**, *Iḡāsāt al-umma, ք. 29-30; Allouche, Mamluk Economics, pp. 14-15.*

մեր օրերում հաճախ են հնչում քննադատություններ ալ-Մակրիզիի հասցեին եւ նրա պատմագրական մեթոդի վերաբերյալ, դրանից նրա թողած ժառանգության արժեքը գուցե վերաարժեւորվում, բայց ամենեւին էլ չի նսեմանում: Նա շարունակում է համարվել միջնադարյան արաբա-իսլամական գրավոր մշակույթի ամենահանճարեղ այրերից մեկը, իսկ նրան վերագրվող պատմագրական երկերը՝ դարակազմիկ հանգրվան մամլուքյան պատմագրական ավանդույթի պատմության մեջ, որոնց համակարգային ուսումնասիրության համար դեռ տասնամյակներ եւ հետազոտողների մի քանի սերունդների ջանքեր են անհրաժեշտ:

РЕЗЮМЕ

Таки ал-Дин Ахмад ибн Али ал-Макризи (ум. 1442) - один из выдающихся представителей арабской историографии эпохи Мамлюков. Он родился в Каире в академической семье сирийского происхождения. Ал-Макризи получил традиционное исламское образование и первоначально специализировался в канонических науках - в хадисоведении (*ilm al-hadīṭ*) и юриспруденции (*fiqh*). Таким образом, он начал свою карьеру как преподаватель пророческих традиций и проповедник. Затем он стал секретарем в придворной канцелярии, а некоторое время служил в судебном ведомстве. После, он сумел приобрести покровительство султана Баркука (1382-1389, 1390-1399) и был назначен на очень престижный пост мухтасиба (*“смотритель рынков”* или *“инспектор торговли”*) Каира. Ал-Макризи поддерживал свою близость с правящей элитой также в период правления сына Баркука - Фараджа (1399–1405, 1405–1412). Но после смерти Фараджа, он не смог поддержать свой кредит и славу при дворе. Ему пришлось отказаться от активной общественной карьеры и остаток жизни целиком посвятить плодородной литературной и творческой деятельности, сосредоточиваясь в частности на написании истории Египта.

Полагается, что ал-Макризи имел намерение сочинить всеобщую историю Египта, начиная с мусульманского завоевания до времени своей жизни в трилогии. К сожалению, первая часть этой трилогии (*Idq ḡawāhir al-asfāt fī mulūk Miṣr wa al-Fuṣṭāṭ*), по истории от мусульманского завоевания вплоть до начала правления Фатимидов, утрачена. Однако, сохранены две другие части, охватывающие историю Фатимидов (*Itti'āz al-hunafā' bi aḥbār al-a'imma al-Fātimiyyīn al-ḥulafā'*), Айюбидов и Мамлюков (*Kitāb al-sulūk lī ma'rifat duwal al-mulūk*).

Современные исследователи часто критикуют историографический метод ал-Макризи, в частности, за небрежность в указании источников, которые он использовал. Другой основной труд автора - топографическая история Каира и Египта (*al-Mawā'iz wa al-i'tibār bi zikr al-ḥiṭaṭ wa al-aṭār*). Некоторые

современники обвиняли его в в плагиате у коллеги, утверждая что он просто присвоил черновик этого сочинения, дополнил некоторыми дополнениями и приписал себе. В добавление к этим трудам, ал-Макризи автор двух крупных биографических словарей (*al-Tārīḥ al-muqaffā al-kabīr* and *Durar al-ʿuqūd al-farīda fī tarāḡim al-aʿyān al-mufīda*) и “*всеобщей истории*” (*al-Ḥabar ʿan al-bašar fī ansāb al-ʿArab wa nisb sayyid al-bašar*). Заслуживают внимания также его отдельные короткие монографии по различным темам.

SUMMARY

Taqī al-Dīn Aḥmad ibn ʿAlī al-Maqrīzī (d. 1442) is one of the foremost representatives of Arabic historiography of the Mamluk epoch. Born in Cairo to a scholarly family of Syrian origin, *al-Maqrīzī* was educated as a traditionist (*muhaddith*) and a jurist (*fāqih*). Thus, he started his career as a teacher of prophetic traditions and a preacher. Step by step, he rose to become a clerk in the court chancery and a deputy *qādī*. After, he managed to gain the patronage of sultan *Barqūq* (r. 1382-1389, 1390-1399) and was promoted to a very prestigious post of the *muḥtasib* (inspector of markets) of Cairo. *Al-Maqrīzī* maintained his intimacy with the ruling elite under the reign of *Barqūq*’s son *Faraḡ* (r. 1399-1405, 1405-1412) too. But after the latter’s death, he lost his access to the court. He had to retire from his active public career and to devote the rest of his life to prolific literary activities, focusing on writing the history of Egypt in particular.

It is believed that *al-Maqrīzī* had an intention to compose a comprehensive history of Egypt since the Muslim conquest until his own day in a trilogy. Unfortunately, the first part of it (*ʿIdq ḡawāhir al-asfāt fī mulūk Miṣr wa al-Fuṣṭāṭ*) dealing with the history from the Muslim conquest up to the rule of the Fatimids is now lost. However, preserved are the two other parts covering the history of Fatimid (*Ittīʾāz al-hunafāʾ bi aḥbār al-aʿimma al-Fātimiyyīn al-ḥulafāʾ*), Ayyubid and Mamluk dynasties (*Kitāb al-sulūk lī maʿrifat duwal al-mulūk*). *Al-Maqrīzī* is often criticized for his haphazard historical methodology, especially for inattention to indicating the sources he used. Another magnum opus of *al-Maqrīzī* is a work focusing on the historical topography of Cairo (*al-Mawāʾiz wa al-iʿtibār bi zikr al-ḥiṭaṭ wa al-aṭār*). Some contemporaries accused him of having plagiarized this work from a colleague. In addition to these works, he is the author of two large-scale biographical dictionaries (*al-Tārīḥ al-muqaffā al-kabīr* and *Durar al-ʿuqūd al-farīda fī tarāḡim al-aʿyān al-mufīda*) and a general history of the world (*al-Ḥabar ʿan al-bašar fī ansāb al-ʿArab wa nisb sayyid al-bašar*). Also remarkable are his short monographs on various topics.